

Pertandingan ayam serama sedunia

MELAKA 22 Feb. - Persekutuan Ayam Serama Sedunia Malaysia (PASSM) akan menganjurkan pertandingan Seni Warisan Ayam Serama 1Malaysia di Taman Serama Sedunia, Durian Tunggal, Sabtu ini.

Setiausaha Kehormat PASSM, Helmy Ishak berkata, pertandingan itu akan disertai 300 hingga 500 peserta dari seluruh negara, selain Indonesia dan Thailand.

“Pertandingan ini diadakan untuk mempopularkan ayam serama sebagai ikon unggas warisan negara selain menarik minat orang ramai menjadi ahli PASSM,” katanya ketika dihubungi di sini hari ini.

Helmy berkata, orang ramai juga turut berpeluang menyaksikan pameran ayam serama, ayam eksotik dan burung merpati.